


2001-12-12
kioskoa**Pantxike Agirre****Erantzukizunak**

Gasteiz eta Madril en arteko harremanen krisi honetan —Kontzertu Ekonomikoaren negoziazioaren kontura piztua—, Madril en ikuspegia zein den argi utzi zuten atzo **Abc** eta **El Mundo** egunkariak. «Ibarretxe ahul dago», zioen lehenengoaren editorialak. «Porrot bikoitzaren aurrean dago Jaurlaritzaren bi helburu inportanteenetan: Kontzertuaren berritzea eta EAEko aurrekontuen onartzea». Ondoren, haustura iragartzen du egunkari horrek: «Kupoan 40.000 milioi pezeta ez ordaintzeko lehen-dakariak egin duen mehatxua beste probokazio bat da berea baino negoziazio gaitasun handiagoa erakutsi duen Gobernuarekin hausteko». Ibarretxek «mehatxu» bidez, «Kontzertuaren polemikari eustearekin jolasten du», **El Mundo**-k zioenez. «Jaurlaritzaren eta euskal nazionalisten estrategia izan da errentagarri zaion biktimitismoarekin jokatzeko, ezer arriskatu gabe, Kontzertuaren luzatzea bermatua dagoelako. (...) Ibarretxek azaldu beharko du zergatik oztopoak baino ez dizkioten jartzen euskal burujabetza fiskala ziurtatzeko duen akordioari».

«Heldu da kolapsoa», zioen Alberto Suriok **El Diario Vasco**-n EAEko aurrekontuen harira. «Besteek zuzendu dezaten EAJk izan duen obsesioak ordaina pagatu beharra ekarri dio, eta gutxiengoan gobernatzeak dakarren bakartzea eta hasieratik amaieraraino negoziatzeko beharra gogoratzen dio Ibarretxeri». Jaurlaritzak gai honetan izan duen jarrera harrigarria dela zioen **Gara**-k. «Prepotentzia erakutsi duen operazio arriskutsua abiatu zuen, oposizioak argazki horren beldur, ez zituela botoak batu-ko uste baitzuen».

Egunkaria euskaldunon 3.422. zenbakia**Ohorezko Lehendakaria:** Martin Ugalde**Administratzaile Kontseiluko Lehendakaria:** Joan Mari Torrealdai**Kontseilari Ordezkaria:** Iñaki Uribe**Zuzendaria:** Martxelo Otamendi**Gerentea:** Mikel Sorozabal**Publizitatea:** Idoloia Sanz**Egoitza Nagusia:** Martin Ugalde Kultur Parkea 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707**Webgunea:** www.egunkaria.com**Posta elektronikoa:** egunkaria@egunkaria.com**Publizitatea:** publi@egunkaria.com**Ordezkaritza:** 72664 E. Lege Gordailua. SS 800/90 ISSN 1134-640X
OJDK IKUSKATURIKO HEDAPENA**ORDEZKARITZAK** ■ **Araba:** San Antonio, 20-1. ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965**Nafarroa:** Irabie Monasterioa, 45-13. esk. (Irribarri dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686**Bizkaia:** Egoia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114**Lapurdia, Nafarroa Beherea, Zuberoa:** Pelletier 35, 1 503 Posta
kubxatila, 64100 Baiona Tel.: 559593575 Faxa: 559257511**martintxo****hizpideak****Afganistan kontrolpean**

Afganistan talibanen aurkariaren esku egongo da osorik gaurtik aurrera, ustez Al Qaeda erakundekoak diren borrokalariak atzo Tora Boratik irtetea onartu ondoren. Estatu Batuetako B-52 hegazkinen bonbardaketek eta bertako soldaduek lagunduta, zortzi egunetan lortu dute oposizioak Osama Bin Laden ekintzailearen ezkutalekutat jo-

tzen zen eremua kontrolpean hartzea. Aurkariaren ultimatumak onartua izan ostean, gaur amore emango dute Al Qaeda kideek eta «nazioarteko justiziaren esku» geldituko dira.

Iparaldeko Aliantza nazioartekoa- ren esku uztekoa zen dozenaka taliban, berriz, edukiontzietan itota aurkitu dituzte, *New York Times* egunkariaren arabera. Aliantzaren eskuetan gertatutako hilketak ikusita, gerra presoak era egokian tratatu eta Nazioarteko Gurtze Gorriaren lana ez oztopatzeko eskatu du Amnesty International erakun-

deak. Giza laguntzarako erakundeak ere kezkatuta daude, baina Kandahar hirian dagoen kaos egoeraz. Herritarren arabera, joan den ostiralean talibanak irten zirenetik lapurretak eta borroak nagusi dira bertan. Azken hiru asteetan ez da laguntzarik iritsi Kandaharrera.

Estatu Batuek Osama Bin Laden irailaren 11ko atentatuaren erantzulea dela frogatzeko beste bideo bat kaleratuko dute gaur. «Terrorismoaren aurkako gerran» babes sendoagoa nahi dute. Somalia eta Irakera hedatzeko, agian.



Legebiltzarreko Talde Politikoen Bozeramaileen Batzordea aurrekontuez hizketan.

Marine-ak duela 12 urte AEBk Kabul en abandonatu zuten enbaxadan berriro.

**Jaurlaritzaren estualdiak**

Aurrekontuak Jaurlaritzara itzultzea eragotziko du gaur Juan Maria Atutxak, osoko zuzenketak banan-banan bozkatzea onartuko duelako. Erabaki horrekin araudia bat datorrela argudiatuko dute EAJk, EAK eta IUk, baina Juan Jose Ibarretxeren gobernuaren bakartasunaren eta, neurri batean, ahultasunaren frogak besterik ez da. Bakardadea, gehiengoak eratzeko gauza ez delako izan, eta ahuldadea, aurrekontuak aurrera ateratzen ez dakienak —eta hori oraindik ez dakiela agerian uzten ari da— ahultasunaren seinale ematen duelako. Jaurlaritzak aurrekontua luzatzeko motiborik ez du izango, eta baliteke sendotasun itxura berreskuratzea, baina bakardadearen zuloan beste urrats bat egingo du. Ibarretxek sozialistekin ireki nahi zuen atea; orain ematen du PSE-EEko kideek arrazoi gehiago izango dituztela popularrekin batera aritzeko. Eta Ibarretxek ez du beste aterik ikusi nahi.

Etorkinak integratzeko bitartekoak jarri behar dira

Immigrazioa eguneroko gai bilakatu zaigu. Gero eta gehiago dira lan eta bizi baldintza duinen bila Euskal Herria etortzen diren etorkinak. Hego Euskal Herrian, adibidez, 40.000 lagunek dute bertan bizitzeko baimena, biztanleriaren %1,5. Horiei gehitu behar zaizkie paperik gabe bizi diren beste milaka batzuk. Joan Maria Uriarte Donostiako gotzainak eta Maria Jesus Aranda Nafarroako Arartekoak kolektibo horren egoera lehenbailehen konpontzeko eskaera egin zuten atzo, Atzeritarren Legea «bigunduz» eta paperik gabeko etorkinen egoera arautuz. Etorkinekin egunero lanean diharduten Gobernu Kanpoko Erakundeek (GKE), bere aldetik, egunero bizi duten errealitatea salatu zuten: Espainiako Gobernuak erregularizazio espedienteak blokeatu egiten ditu.